



МОНГОЛ УЛС
ГОВЬ-АЛТАЙ АЙМГИЙН
ЗАСАГ ДАРГЫН
ЗАХИРАМЖ

2021 оны 07 сарын 18 өдөр

Дугаар A/345

Алтай хот

Г Хуулийн хэрэгжилтийг ханггуулж
эргүүл хяналт шалгалт хийх тухай Г

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 29 дүгээр зүйлийн 29.2 дэх хэсэг, Байгаль орчныг хамгаалах тухай хуулийн 16 дугаар зүйлийн 16.2.1, 16.2.2, 16.2.10 дахь заалт, Амьтны тухай хуулийн 5 дугаар зүйлийн 5.5.1 дэх заалт, 11 дүгээр зүйлийн 11.1.9 дэх заалтыг тус тус үндэслэн ЗАХИРАМЖЛАХ нь:

1. Байгаль орчныг хамгаалах тухай, Амьтны тухай, Ойн тухай, Байгалийн ургамлын тухай хуулиудын хэрэгжилтийг хангуулах, байгалийн нөөц баялагийг хууль бусаар ашиглах явдлыг таслан зогсоох, сургалт сурталчилгааг иргэдэд тогтмол хүргэх, мэдээлэх зорилгоор аймгийн хэмжээнд хийх эргүүл, хяналт шалгалтын ажлыг 2021 оны 7 дугаар сарын 20-ноос 2021 оны 10 дугаар сарын 15-ны өдөр хүртэл Цагдаагийн газар, Мэргэжлийн хяналтын газар, Онцгой байдлын газар, Байгаль орчин, аялал жуулчлалын газар, сумдын Засаг даргын Тамгын газартай хамтарч зохион байгуулсугай.

2. Тарваган тахал өвчнөөс урьдчилан сэргийлэх зорилгоор түүхий мах, нойтон арьс зэргийг төв суурин газарт оруулахгүй байх, халдварт хамгааллын дэглэмийг мөрдүүж аймаг, сум, суурин газруудын төв замуудад эргүүл хяналт шалгалт, байнгын пост ажиллуулахыг Цагдаагийн газар (Н.Эрдэнэ-очир), Онцгой байдлын газар (З.Баттулга), Мэргэжлийн хяналтын газар (Н.Сумъяабазар), Зооноз Өвчин судлалын төв (С.Батсайхан), Байгаль орчин, аялал жуулчлалын газар (Г.Болдбаатар), сумдын Засаг дарга нарт тус тус даалгасугай.

3. Эргүүл хяналт шалгалт хийсэн тухай дүн мэдээг аймгийн онцгой комисст тогтмол мэдээлж, ажлын тайланг 2021 оны 10 дугаар сарын 22-ны өдрийн дотор Засаг даргын зөвлөлийн хуралд танилцуулахыг дээрх байгууллагын удирдлагуудад үүрэг болгосугай.

ЗАСАГ ДАРГА

О.АМГАЛАНБААТАР